

泰州志卷之七

舊志 僑寓 寺觀 仙釋 塚墓

宮志 僑寓 仙釋 壽期

新增 僑寓 方技 著述

三書已鐫之版錯綜難序故合編之

僑寓

梁昭明太子與邵陵王綸太同間遊泰州經太子港金蘭橋二人為樂真人立觀又聞王仙翁上昇詣天目山致禮州人謂之郭西九郎以其掌火政立廟祀之今文孝廟是也

宋蔣之奇字穎叔發運使元豐二年游天目山致禮

泰州志 卷之七

請禱開王仙翁石井得鹿角數十丈又獲金龍七玉璧三十六

富弼字彥國父為征官隨侍至泰州寓景德禪院讀書與胡翼之周春卿相友善時范文正為西溪鹽官一見弼器之曰王佐才也弼初名臯晏元獻謂文正曰吾一女君為擇壻文正曰必求國士無如富臯者元獻妻之後弼與元獻俱登相府蓋異數也

許愈黟縣人父子嘗置別業於海陵為胡安定所知安定為作孝子傳其畧云愈事父以孝謹聞供給



甘旨晝夜不怠與妻子共食麤糲供父則盡珍異
示豐厚父病篤至澣濯衣服必躬親之慮僕隸下
人有厭心云

韓駒字子蒼自布衣時有詩名遊泰州寓景德禪院
富文忠讀書處有題壁詩呂居仁列子蒼爲江西
詩派王安國亦云文章格調須得官樣若子蒼之
文乃臺閣之文所謂官樣者與政和初召除正字
終徽猷閣待制

曾孝序泉州人仕宋監泰州鹽因家泰州累官至
懷慶路經畧使過關與蔡京議忤其意竄嶺表後

秦州志

卷之七

二

青州兵亂與其子宣教郎訐皆遇害年七十九
後贈光祿大夫謚宣愍子訐承議郎

宋應龍仕宋爲諮議官寓泰州應龍儒生知兵出入
行陣三十餘年元兵至泰州裨校開門迎降應龍
與其妻自縊園中時提刑諮議褚一正督戰於高
沙被創竟投水死知興化縣胡拱辰亦死之

李庭芝字祥甫隨州應山人德佑二年權知揚州阿
木攻揚日久庭芝堅力死守會益王昞卽位以小
保左丞相來召庭芝乃命置制副使朱煥守揚城
自與姜才將兵七千趨泰州將東入海以赴召煥

卽以城降阿朮帥兵追至庭芝走入泰州阿朮築長塹圍之而自當東南絕其去路且驅庭芝妻子至裨下欲招降泰州守將孫貴胡惟孝開北門迎敵庭芝赴蓮池中水淺不死遂與姜才俱遇害姜才濠州人阿朮攻揚才與庭芝協力堅守益王在福州召才爲龍神四廂都指揮使遂與庭芝東至泰州將入海阿朮以兵追及圍泰州會才疽發背不能戰遂就執阿朮責其不降才曰不降者我也憤罵不已阿朮猶未忍殺以朱煥之請殺之揚民莫不涕下乃立三忠祠同李庭芝孫虎臣共祀

文天祥字宋瑞廬陵人德佑二年至泰州將浮海以求二王先是祥爲元伯顏所執自鎮江夜入海州聞李庭芝在揚聽諜者言備之甚急乃東入海道遇元兵伏環堵中得免然饑莫能起從樵者乞得餘糝羹行入板橋元兵又至衆走伏叢篠中兵入索之執杜濬金應以去濬應以所懷金與卒得逸有二樵者以蕢荷祥至高郵稽家莊稽聳迎至家遣其子德潤送至泰州自泰州過海安如臯舟與追騎常相距時有朱省二者方受敵命宰如臯公不知而過之旣聞惶懼慮不可免籍張阿松知

非凡人留宿五日間追兵至阿松遣子二人戴以
葦笠衛送至通州泛海所歷艱阻各序其事而系
以詩悉載指南錄中

王安石字介甫臨川人初爲淮南判官以事出如臯
嘗過主簿陳與之後與之以進士得嘉慶院解安
石再遇之有食蟬螿詩見集中

劉亮吳郡人元末嘗仕工爲吳後知天命有歸乃以
巨艦盡載所藏書萬餘卷渡江抵如臯主於冑致
中家且謀獻天府未果上而以疾卒致中因結字
貯之永樂中遣使取入中秘

外史氏曰汲井示別掃室有公管郭令名所在輒播
則地以人重匪直里居著姓也君子之至於斯不勝
縷數其有赫赫才節世所望而震焉以爲紫芝朱草
一時之稅駕遂得干戈之列傳乃邗乘轉借以不朽
矣

寺觀

萬壽報恩光孝禪寺

在州治西晉義熙年間覺禪師初建宋崇寧二年賜崇寧萬壽

寺額政和元年改天寧萬壽寺紹興八年以徽宗建道場賜今名毀於兵燹至紹熙中德範師應轉

運陳公請至寺先建樓百尺以棲鐘遂建佛殿顏曰最吉祥又為閣六楹用碧雲賜額通費銀四十

萬有奇寶章閣待制陸游為記元以後修圯不一崇禎四年天竺方誌師原籍州人應聘飛錫鳩工

重建煥然改觀南山教寺

州南唐乾符三年僧鐵心堅禪師建賜額護國

寺宋治平元年改資福禪院政和七年改神霄玉清萬壽宮建炎元年復名資福禪寺紹興三十一年

如舉手曰侍此耳因舉經義虜皆羅拜而去淳熙十年燬紹熙年間僧紹信覺妙建嘉定年間立戒

壇吳元年僧主僖重修崇禎五年天竺方誌師建完浮屠肆

北山開化禪寺

州治北二里唐寶曆元年建王屋禪師道場嘉

秦州志

卷之七

五

祐八年改今名舊有浮屠崇二百尺為郡之形勢建炎紹興燬于兵淳熙間蜀僧子廉任持芟除草

莽建佛殿創法堂營繕始備相傳王屋禪師臨化欲蜀水飲命其徒持錫杖畫後園地遂成泉得水

其泉通於揚州西山報國禪寺

州西南舊名報國蜀岡第五泉巷方誌師從天竺

飛錫改東山寺

舊名東山常樂教寺

廣福寺

彌陀寺

夾周護國寺

州北里東

山莊宋景岱嶽寺

姜堰鎮宋至

淨業禪寺

姜堰鎮舊名彌

德年間建勒教院晉義

觀音寺

一寧鄉鎮一梁琛場旌忠寺

州治北六十里羅漢寺

州治北七十里

廣明寺

北九

天寧寺

州治東北

天寧院

州治東北

寶福寺

州治東北七十里

壽聖寺

一漆潼鎮

大聖寺

安場富

臺場一東義阡寺一安豐場三昧寺東臺場改寶相寺名聖果院

西溪鎮延慶寺白駒場觀音閣港口鎮仙源萬壽宮州治東南

本樂真觀梁大同元年以樂子長故宅為觀在樂真橋唐大中年間移建茲地宋大中祥符元年天

書降詔建天慶觀以樂真觀為之五年降詔置聖祖殿崇寧中虛淨冲和先生徐守信赴闕有詔展

修規屋至五百區大觀元年賜今名至建炎遭兵革不存後內侍李需重建於城東五百步鋪土作基

而泥沙不堅役者病之禱於虛淨像前先一夕主者夢神翁曰我東南有隙地十畝自可取土訶羽

卑果有之遂更取是土深至七八尺及泉為池而土功未已有父老謂主曰第休役三日復何患如

其言後取土果滿出隨取隨增宮畢猶成堆阜時人謂地神獻土見宋舍徐神翁語錄建炎後不存

至寶慶三年守陳垓復建西大隱觀州治譙樓西海陵仙人高先生捨宅建庵名曰大隱修樂真觀

真得道故觀以大隱名國初舊名海鮮觀

泰州志

卷之七

六

州治西門內圓通禪林光孝寺贈君塔下庵州治北

普濟庵州治南慈山庵州治東潮音寺州治西南舊

準提庵光孝寺東水月庵寺西第五房隰林水

彌陀庵寺西第祇園庵新安坊聖壽庵南門外口廣

循庵州治東南間幻竹庵州治東北湧金禪院

州治西南十五里古刹永興庵州治北吉祥

庵州治北唯心庵港口鎮移風寺州治西北長

慶庵州治北廣因寺院舊名西蓮教院

覺循寺州治東北普照庵州治南原一

舊名新樂善庵太和橋南放生庵小西湖兵

興尼院鄭公二陽建

延生菴

便民坊僧鐘靈建嗣瑞曇焚修

舊有北禪教院回車教

院

州東北

華嚴教院

州東南

永安教院

州南五

千佛敎院

州東北

勝因敎院

州東南

迎福寺

州

北三十里妙庵寺

港口

慈氏敎院

港口

今俱廢

外史氏曰自象教西流化人東鶩於是寶刹琳宮相望塗膏釁血以助輝煌而車騎駢闐士女焚選遂奔走之若狂矣或曰去悵興慈默存勸戒然愚人流浪生死正難以不可思議度彼也若夫白蓮無爲村堡相煽成風長此勿救載胥及溺宰世軸者痛闢左道禽獮而草薶之不爲過焉

秦州志

卷之七

仙釋

東陵聖母海陵人適杜氏師劉綱學仙術夫不之信告官繫獄頃之聖母已從窓中飛出衆人望之轉高入雲中於是立廟祀之每著靈驗常有一青鳥集祀所人有遺失則飛墜盜物之處以是廣陵道不拾遺

漢書郡國志廣陵有東陵亭博物記曰女子杜姜左道通神縣以爲妖閉獄桎梏卒

變形莫知所徃以狀上因以其處爲廟號曰東陵聖母祠

樂子長秦州人道成白日飛昇今樂真橋乃其遺跡當時號爲樂真人梁昭明太子與邵陵王綸遊至秦州以樂子長故宅爲觀許旌陽嘗云千二百四

年五陵有八百仙人真誥所謂五陵者海陵居其一在古有江海會祠蓋海上方士遊息之處

王治泰州人隱居天目山

陶隱居云地鉢福地卽此

修靈寶法煉

丹存神歷宋齊梁百餘年功成行滿有雙童召治

羣仙導引步虛清樂之音四比皆聞白日飛昇山

有二井封鑄極密乃藏靈寶符杖履水襪隱形帽

於左丹井梁昭明太子聞治昇舉同邵陵王綸詣

山致禮焉

王鹿女者亦在泰州王治居天目山時有五色鹿產

一女於山左草莽間聞啼聲往視之見鹿乳焉治

秦州志

卷之十

挈養於庵至七歲爲築鹿女臺居之治飛昇後女

欲南渡邑人餞之橫浦云後百年復來履江水而

去景雲二年十一月山忽鳴聲聞遠近會敕遣天

台山女道士王妙行行天下名山大川洞天福地

投金龍玉璧王妙行卽鹿女計其時正百年矣

徐神翁名守信生六七歲始能言少孤十九歲役天

慶觀嘉祐四年天台道士余元吉來遊示惡疾神

翁事之無倦忽於溺器得丹砂餌之自是常放言

笑歌默誦道書絕粒至數日假度人經語爲人言

禍福如影響一日徽宗特詔召人言事多驗賜號

虛靜冲和先生高宗時爲藩王印以後事與之詩曰牡蠣灘頭一艇橫夕陽西下待潮生與君不負登臨約同上金鰲背上行後高宗避金兵入海爲淺所滯待晚潮後行問此何處曰牡蠣灘也遂登岸又問此何山曰金鰲山也因思神翁語乃屏去警蹕易衣入臨濟寺見此詩新書於壁墨跡未乾始知爲異人卒年七十有六賜大中大夫給葬用四品禮厝城東響林原先是天慶觀役時常持一箒供灑掃後響林方洲仙源新祠堂提舉司霜節亭多生箒竹宛然叢篲亦異矣

秦州志

卷之七

九

周處士名恪字執禮敬述五世孫元祐初再舉進士不第鬱鬱不得志從郡學釋奠忽大呼仆地閱四日而蘇悟老子谷神語取儒衣焚之自是動靜頗異預言人休咎歷歷奇中先是徐神翁語人曰周門石青毛當得仙矣果驗宣和中屢召不起謝使者曰吾太平衰末之人也蔡京奉書卧而嚙之賜號守靜處士給五品服後示化葬神翁之西與唐道人相繼同域號三仙墳

唐先生名甘弼爲小吏廉恪無他技一日晨出若有所遇者忽裂巾毀履褻語裸程家人以爲狂因囚

於別室歲餘其母哀而縱之冬夏一布襦僅蔽膝
徜徉閭井發語干休咎無不驗人始稍就占訊所
臨列肆是日必大獲競延致之張榮來據城聞其
神異執於大雪中露坐方數尺獨無雪髮膚略不
沾潤乃積雪丈餘穿洞穴埋其中彌日出之怡然
也後潛抱薪自焚於隙屋有田夫中途遇之問先
生安往曰吾歸也入城旣白焚矣葬響林原歲餘
有鹽商見於江西而蜀人亦見之於青城云

陳毯皮名豆豆不知何許人每披方毯冬夏不易行
乞於市攜小舊籃貯書卷見可人卽付與得錢物
泰州志

卷之七

十

復施丐者人呼爲陳毯皮

法響姓李氏年十六依棲霞寺多異行隋末還故里
時海陵寧海有猛虎響爲制齋以致之俄而羣虎
悉至響以杖扣其脛皆弭耳搖尾受其制由是羣
虎絕迹唐初過江北以縣南小孤山建寺居之貞
觀中卒弟子卽其地建塋墓焉

白衣二真人傳逸其名二人嘗過赤岸鄉里人管念
九止之宿酒掃一室焚香煮茗爲供迨旦二人已
失去室中獨遺二鐵罐內有頭風黑神方管用其
方合藥置罐中凡頭風者服之無不立効元末

其罐人以爲神

傳仲良安定鄉人洪武間冬日從縣回時值大寒見一人卧路傍蓬跣繼縷寒顫不已仲良憫之攜至家熱以爐火不就與之食亦不受因令藉草而卧天明失所在矣几上但留一紙列藥五十九品仍書紙尾云留此報汝仲良依方製藥遇有風癩者治之輒効名曰急風一字散至今猶傳

釋達本字無幻光孝寺僧聰明捷給與儲柴墟同時終日辨難不能屈至今傳其讚布袋佛一偈云無古無今雲滿頭大千世界一囊收自從唱破無生

秦州志

卷之七

七

曲直到於今笑未休

釋方誌字觀如裴庄人幼出家於上天竺大講寺海會禪堂靜默禪思研窮教理年三十就五臺山遠清宗師師示偈云廣陵觀如子圓覺場中發大菩提心喜而不寐以偈讚之菩提無相云何爲發菩提無念云何是心牽河渡牛霹靂晴空曼殊寶釵橫空徹電山海若平佛魔不現誌言下有省師又叩以妄可是從真起耶誌卽作二偈有云妄從真起本無因何須向外覓疎親又云馬投龍泉化鱗甲四海無涯任往遊師唯唯別去遍歷名山到處

析疑證悟大暢宗旨有法華正旨品節偈等行世外史氏曰仙釋之教儒者類欲諱言或及跋陀羅譯經雙樹與苦縣長生久視輒謂此簧鼓菴蒙拾齊諧唾餘以欺人云爾庸詎知青牛白馬宣尼氏尚且以猶龍西方聖人尊之矧其他乎邵堯夫曰四海九州之外何物不有特人耳目未及斥之為誕然則東陵聖母暨神翁法響諸人固班班載籍可攷者非躐妄亦非銜異也

塚墓

歷代董永墓 西溪鎮北一百四十步事見 徐神翁墓 州

秦州志 卷之七

十三

東七里事見 **小兒塚** 州治東有墳數十宋江南初

仙源萬壽宮 遷徐氏於海陵中主嗣位用朱齊丘謀徐氏無男

女少長皆殺之葬此後齊丘一小兒病有藥工作一詩書紙為上放入齊丘第內其詩云化家為國

實良圖總是先生畫計謨一個小兒拋不得上皇當日合如何 **晏殊墓** 在州治東北一里許大寧阡

蓋謂此也 在州治東北三十里查家 **胡安定墓**

存 **查丞相墓** 在州治東北三十里查家 **周恪墓** 徐神翁墓之

州治東南一百五十里如阜安定鄉胡家莊舊志 云先生墓于烏程縣幼子志正歸携先生衣冠歸

葬祖塋今烏程有先生墓祠 **王心齋墓** 州治東

堂陳琦過湖州時嘗見之 湘繼同域 **唐甘彌墓** 響林

號三仙墓 原 **王心齋墓** 州治東

僑寓

宋孔樂字介老至聖四十九世孫初舉孔庭族長淳熙四年賜進士第文林郎江都縣知縣清介自持士民謳載以能見稱時詔舉異才特擢兵部員外郎未幾去任值金人入淮南北兵阻率家避兵秦州遂家焉後人卽所居之里名曰孔家堡秦庠士名印儒者其後也印儒爲至聖六十四世孫

明

句容張榜字賓王癸卯南闈第二會館秦州武進鄒忠蔭字忝回諸生時館太學周士美家子丑聯捷官學憲後孫祇謨成進士蔣煜字羽公諸生時

秦州志

卷之七

三

館於戚氏辛酉戊辰成進士令麻城武進蔡鵬字南仲白貽瑋字華白與劉孝廉懋賢曾共肄業刻詩藝以行鵬庚午賢書子元宸癸未進士宜興王期昇字麗青館陳明經家午未聯捷官職方郎興化韓如愈字弗如諸生時沈傳曾受業於家午未聯捷官兵垣

國朝惲本初字道生一名向詩經名家繪事爲時重官中翰遊秦州寓宮氏春雨草堂同時畫家俱辟易

張芳字菊人句容人春陽公從子也卯辰聯捷官

楚令制義有淵源尤工詩古文康熙七年戊申夏奉母來泰州主於宗人太學張士顯家同人倡和甚盛

劉芳洪字鍾洛順天宛平人僑居泰州父餘祐官保兵部尚書洪以大司馬廕歷官衡州徽州兩府糧捕通判戊申僑寓泰州大兄芳烈鎮江府太守二兄芳躅翰林學士巡撫山東六弟芳喆編修

呂潛字半隱午未聯捷進士四川遂寧人大司馬東川公大器子也詩文書畫爲世推重播遷後益精起康熙癸丑偕弟澈僑寓泰州先是巳丑秋姜如須垓梁公狄以樟林殿颺時對陳階六台孫來遊宮氏春雨草堂酬倡稱極盛云

隱逸

吳纘姬字璣灘安豐場人高祖以旗籍入登州姬崇正庚午舉於鄉先是曾祖國相嘉靖丁未進士官南戶部欲回籍不果及姬值山左之亂挾弓持稍護二親出重圍遂成祖志籍海陵爲人忼慨負氣節雖流離中奉親克承色笑不缺甘脆初公車猶自海陵起文後親老以嘉遯終其志焉
國朝陳允昂字抑如百歲翁後賦情高邁仲子忠靖

戊亥聯捷進士官黃門初筮中書舍人封如其官
諸子十二人皆讀書庠序長孫厚耀酉戌聯捷進
士官翰林院修撰

許暉字薇垣進士官震父也髫年力學數奇俛得
復失比光震出與童子試遂絕意進取安貧樂善
守淳朴惡澆薄教子義方日以文章行誼相勉子
光震以年未聯捷成進士官直如其父

詹天爵孝陵衛世襲指揮使父世恩癸丑武進士
歷官鳳陽留守都司讀父書有志爲當世用避亂
居泰州有妻兄李日榮者少同學李官京口叅將
陞任廣東副總兵屢書招致令乘時建功業詹不
赴卒葬都天廟二門內

仙釋

陳悟正宋志云先生陳氏棄俗修道號曰悟正而
圖經又載高存以縣小吏爲仙不及陳悟正之事
今併志之

風尚書宋志云尚書不知姓名海陵三仙傳云里
俗言戚端公風尚書輩迹泯無傳今亦但志其號
事跡俟他考

戚端公宋志云先生戚氏不知名本一軍校州人

相傳以廬山降虎戚端公目之

皇甫正人宋志不列之亦無七星井之名嘉靖元年志云仙源萬壽宮丹井爲真人煉丹之所詩云皇甫正人藥今相傳一塊氣者是也

高先生有志稱大隱觀原高先生舍宅建名曰大隱而高先生名氏不傳宋十仙載陳悟正併及高存是一是二附識於末

國朝玉環羅漢西域人兩耳有大玉環故名稱自天順年從西域來路引數廂確有可據羅漢貌則釋也而術則仙能積氣自上下復自下上若江河沛

秦州志

卷之七

十六

决轆轤有聲又能使骨節珊珊作響每十日半月不食人謂三四百歲偶北上意不樂卒於途葬都天廟二門內

行修泰之沙村人姓陳氏本農家子年三十一苦貧欲赴河輒有白衣人眇一目者救之如是者三得不死遂度爲僧蓬頭跣足操行最苦見人與物輒拜或曰藏所謂行一切不輕慢菩薩行也居數年朝普陀山中道路絕遇有老人引至家宿焉明日老人失所在餘荒地而已歸後龕坐南關外荒塚中嘗五七日不食一日夜深有擊龕者曰若可

授我法修隔龕見高橋下有火船燈火鼓吹過不知何人歲乙巳移住州之覺印寺謂寺僧曰十一月朔我當圓寂及期盡以衣物付銅板僧繞佛拜數匝乃作偈曰慧日中天照大千晝行禮拜夜參禪眉間斜掛吹毛劍地獄天堂任我前誦已敲魚念佛就龕坐昇至寺東曰可矣不踰時輕烟一縷起自鼻端兩耳出火如鸞鳳尾須臾火大作擊魚不輟焚至兩腕魚始下生己巳十一月初一日辰時茶毗以乙巳年而月日時與始生同年三十有七自出家至圓寂其間僅六載云

超項山西臨汾縣李氏子世業儒少年慷慨有大節披剃遊方至河南固始縣遇如心禪師機緣相叩同隱商城縣金剛臺之蘭溪抵吳陵之北下河曹家庄如心適他往師一日集衆說法訖忽日被這殼子阨塞到如今我道友化衆念佛山僧接引往生敲唱雙行是一是二然雖如此也須我道友送我始得言訖默然撼之不動矣五日後如心至啟龕顏色如生時值洪水泛漲一無所辦如心忽動一念曰道友圓寂偏在此時舉念未終龕內忽自起火異香遍野彩雲罩空靈骨結成一尺二寸

明潤玲瓏如瑪瑙怪石現藏姜堰鎮淨業寺時康熙八年正月十九日也

性明俗姓邢山東壽光縣人自幼不婚出家四十餘年建庵於張尤庄後移住華嚴寺圓寂時沐浴剃髮遺命俟增放光時緣方到即可開龕言訖坐化五年後增果放光僧徒依命啟增其時異香襲人頂髮手指甲各長數寸面色如生五體不壞土人敬奉裝就金身遠近瞻禮時康熙十一年三月間事也

壽期

秦州志

卷之七

六

王氏宮景隆妻仁靜粹然儻才智不名雖鳳翹翟衣稱太君而德量罕及生止中憲繼蘭一人以子貴封太安人宮氏世以壽聞蘭祖恒山公壽八十四祖母周壽八十二戊午登賢書以祖與祖母不及見爲憾至丁丑通籍蘭父沒又十餘年矣每風木抱悲輒謂子律鏐科名分內事幸太母在堂冀成名於錄中書重慶字吾願愜矣後偉鏐壬午癸未成進士兩親方盛年王太安人猶康健不衰丙戌壽終八十九歲

國朝董母朱氏誥贈驍騎將軍成舉妻都督大用母

以子貴封一品太夫人五花八座榮冠一時年九十有四矍鑠如盛年大用性至孝盥漱必躬親年及耆猶有班衣攜慕之風一時相傳以爲人瑞云曹氏顧含章妻夫早卒矢志未亾茹蘖守節數十年如一日九十八歲皓首童顏子頤公孫南溟曾孫蕃熾皆氏節壽之報云

僑寓

明練宣童字復全建文忠臣子寧次子也子寧原籍江西新淦縣人遇難時其長子成經同死宣童逃泰梁梁場季子仁善逃饒州女瓊瓊沒爲官奴洪熙元年赦回贅同邑陳用昌一姪名齊廉逃福建長樂縣萬曆十八年督學朱某以宗遺裔得齊廉之八世孫綺檄長樂取回新淦奉祠子孫蕃衍而宣童及仁善之後乃子寧嫡裔尚未歸奉宗祧今宣童子孫僑寓泰州三百四十年矣有名嗣昌者新入郡庠聞修州志開具

泰州志

卷之七

二十

宗系請以志中當事許之春秋進賢者之後此其是歟但明成祖論錢習禮事已謂練子寧在固當用之及崇正時又特復子寧之官不知後裔何故晦匿至今方言及也

許承欽字欽哉別號漱雪湖廣漢陽縣人也崇正庚午用詩經中本省鄉試丁丑成進士謁選授江南溧陽縣稍遷至戶部主事甲申後遊泰遂家焉欽方面偉幹聲若洪鐘胸藏經濟惜來展其則其著四書詩經義卓然名家詩文諸刻名漱雪集見者奉爲拱璧生平行事詳載泰中

內外傳後竟卒於秦諸子亦有居於秦者
皇清程端德字午公一字鼎菴休寧人由明經授邑
令以親老留養辭不就職

國初遷秦泰之士大夫驗聞其賢樂與訂交竹塢藥
欄酒旗歌扇往來酬唱古道照人性豪于詩不
矜一字之工一韻之巧陶冶性靈導揚風雅流
連俯仰深得浣溪遺意焉平生經濟之學鬱積
無所試猝遇盤錯剖決如流秦邑疊灾于水憂
切痼瘵解橐賑濟州有大事鄉先生從容咨訪
數語中窾有倫有要教子孫義方垂訓克振家

秦州志

卷之七

廿一

聲科甲蟬聯多登仕版云

吳澍字雨三號蒼銘休寧人清白吏之後文章
經術冠冕一時占籍秦郵再遷海陵利濟爲心
鄉邦倚重每遇旱潦奉

旨發賑必捐資協濟存活多人城工育嬰諸費無弗
周也以明經謁選歷任晉黔荆楚所至有政聲
陞任汀州太守潔已愛民修舉廢墜晚歸林下
惠逮閭里倡首捐資創建公庵爲鄉人休老地
置義塚城南經畫周詳人懷其德壽八十有九
長子廷偉由同州牧晉階太守命往西藏從

征督運糧餉踰黃河源抵烏思藏周行數萬里
軍功議叙今任陝西洮岷道督造哈密城垣功
成紀績次子廷佩繼其伯兄之後任刑部正郎
三子廷明經待銓少子廷儒治舉子業諸孫
多英俊樹幟文壇象賢繩武民望所屬也

團鴻字雲蔚儀正人廩監生博學善屬文高日
位置不諧時俗與宮塾堂王子健號遜之爲莫
逆交嘗遊京師諸公貴人爭相招致竟拂袖
歸詩格古淡淵雅有柴桑風味詞賦不屬草口
授子孫使書之頃刻成文見者傾服著述甚富

秦州志

卷之七

三

所著有滇黔遊草燕遊草練光閣文集行梓以
問世子孫多英俊能繼其志已有與者

何永倬字章雲自正州遷居海陵一生孝友事
繼母曲盡子道與兄弟同其病癢羹牆宗刻

景曾錄行世寄情詩酒遇明師益友致敬盡禮

更篤故舊助婚喪轉危難救困窮又於庭前種

夜合花煉藥濟人張麓有夜合花間石鼎鳴

燒丹遍救海陵城之句迄今棄世十五年鄉里

中追往故道輒歔戲泣下生三子本思癸卯舉

於鄉本懿本懋皆有聲庠序

黃達字儀逋隱於酒得古玉壺貯酒寄興又自號玉壺山人酒酣作詩文縱筆如飛數千百言揮洒任意自然成文家本山陰綜古山陰之秀韻而有之書法則王右軍詩趣則賀少監然其胸中磊落奇偉不平之氣則陸渭南蜀道狂歌秦關夢獵之遺也往來秦州最久詩稿極富多散佚後卒于姑蘇知己者葬之虎邱劍池旁題曰玉壺山人墓

何鉄字龍若一名金雨京江人僑居秦州最久少從學陳太史維崧高情奇氣議論鋒鏘咄咄

適人雖達官貴皆敬畏之每值春花秋月輒自歎曰此天地之文章也吾發之詩其詩多近昌谷兼善畫及秦漢金石刻後從柳長在文官葉縣竟卒于署遠近傷之

姚禪昉字恭士前大理思孝之子寓秦州西園茅茨甕牖簞觚屢空詩酒怡情不苟求于人蓋能以節自高者

方伎

鮑魯字東阜一字聖阜家世業醫魯幼失怙朝夕節母膝下泣捧遺書苦心研究及長遂精其

業兼通內外深推五運六氣天時民病之奧往
往逆探歲氣預爲準備多蓄應運之藥診視病
者脉理隨其虛實而調劑之治十得十周禮所
云十全者爲上也貧者不取藥值雖珠珀之屬
慨然出諸囊中無所吝閒有杏資以周鄰里姻
戚蓋以醫世而亦以德世者年七十外猶矍鑠
如少壯時

王而豫字天如其父孫駒太學生有官職養病
西山受青烏術于隱者豫傳家學兼通易理嘗
爲從弟晉原墓母許以寅葬卯發其言竟驗豫

多子孫枚筮之曰長孫凝可讀書今果入學他
事亦往往有奇中者山行得馴鹿常使負書囊
自隨亦韻事也

李穎字箕山善詩工書法精寫山水在葦北苑
黃大癡之間而遠山疏樹平林山莊則又居然
雲林石田也嘗遊上谷雲中見山勢排空奇峯
插漢画益雄峭諸賞鑒家爭寶之兼工篆籀辨
古銘文不獨秦碑漢碣已也